

二酉園詩集卷之一

泗陽陳文燭玉叔著

擬古樂府

長安鄒
振鐸西
諸子著

漢鏡歌十八曲

國子監
藏書

朱鷺圖

朱鷺朱鷺翩翩其羽翔君門登君鼓將以諫明

主面張羅北山之四中存黃奔執天新知意益

思悲翁

思悲翁奪我美人西且東梟母營巢在樹中慈

鳥一去不相逢泣長空思悲翁

艾如張

艾而張羅北山之阿中有黃雀摩天嗟峨意欲
從君讒言孔多不肯礪室其如雀何

上之回

上之回自回中天險設地維通以王甘泉宮躡
穹廬歸皇都奏凱樂斬單于臣匈奴方丈蓬萊
莫可圖千秋萬歲樂無虞

翁離

擁離趾中居可通安心蒿與蓬蘭蕙難爲容擁
離趾中

戰城南

戰城南死城北黑雲壓城我心惻謂我出攻戰
必克一身甘作鳥鳶食水深漭漭蒲葦蕭蕭裏
騎一不鳴駑馬悲且驕南山築室何其遙禾黍
不食腐肉夥願爲忠臣何可假思子良臣良臣
誠可若生不封侯暮葬于野

巫山高

巫山高高以峻江水深深以長綿綿遠道我心
孔傷參差雲雨峙彼高唐欲往從之河無梁徘徊
望遠泣沾裳願託晨風吹還故鄉

上陵

上陵何美美下津亦浪浪問客從何來自言水
中央芰荷爲君衣芙蓉爲君裳木蘭爲君佩黃
金生光芒麒麟之芝以九莖鳳鳥隨山林乍開
乍合曾不知日月明醴泉之水光澤何洋洋蒼
虬爲橋白虹爲梁八極相翱翔甘露一以降芝
草生未央願奉我王飲萬壽真無疆

將進酒

將進酒勸以歌紛佳哉樂孔多索良工賡所哦
嘉肴薦四時和觀者不苦柰爾何

君馬黃

君馬黃臣馬蒼二馬並驅臣馬良一日千里駕
如龍美人歸以東躡影追風美人正長空佳人
歸以西青驄駛馱佳人安可齊

芳樹

芳樹離離上拂青雲下臨蘭池黃鵠翱翔羽參
差二而爲侶三而成行目不可顧心不可匡彼
攘臂者妬人之子張弓挾彈心何爾南山有網
北山羅黃鵠高飛柰若何

有所思

有所思乃在瀚海間何用問遺君玉葉雙珠環
繫之朱絲繩承以紫瑛盤盤比如意歡繩比同
心結聞君有兩意故來相訣絕瀚海有時盡流
水不復回拉雜摧燒之當風揚其灰白壁燬一
朝甘同瓦礫賤鷄鳴狗吠兄嫂知晨風起兮東
方旦

雉子斑

雉子斑如此翩翩之羽翰雄飛拉其雌朝于山
梁暮河干白馬誰家子彎弓挾彈丸雉子知得
飛且遙黃鵠之飛以千里雉子之車日追攀駕
以南山駕以北山遨遊王孫間

聖人出

聖人出應昌期天地位庶績熙祥雲見甘露滋

麟在郊鳳來儀舉寶島登赤芝君之臣明和四
時懷仁輔義天下治佳人來哉何駢離

上邪

上邪我欲與君相知生死不相棄日月從西出
海水逆北流馬亦能生角鳥亦能白頭天地有
終歇乃敢與君絕

臨高臺

臨高臺高臺見溟渤水清寒于骨蘭草香且醇
黃鵠高飛橫絕四海非爾羽翼何能待以壽我

主千萬載

遠如期

遠如期益如壽明明天子陟帝左右單于自歸
四夷守累世未聞漢德茂謁者引之鄉殿陳方
物是獻梯航來賓于羽之舞何彬彬增壽萬年
實無垠

石流

石流磷磷流水湯湯中有蘭草河爲香永言懷
君悲以傷褰裳可涉豈曰無梁秋風蕭蕭露爲

二西園詩集 卷之一
霜爲君寄將君莫忘

隴頭歌

隴頭征戍兒隴阪九回上蕭蕭塞馬鳴西風倍
惆悵

朝發隴水頭暮宿交河渚隴水日夜流故鄉渺
何許

出塞

縱橫出長安慷慨臨大漠丹縣弓矢明霜落旌
旄白

入塞

戍久馬首垂提戈勲業奇歸來見明主何用錢
刀爲

紫騮馬歌

少小從軍去垂老始得歸但知紫騮馬不知有
阿誰

蹀躞青絲鞵踟躕珊瑚鞭橫行戰馭裏真
無前

黃淡思歌

逐郎思如饑逐郎思如渴獨坐亦何言所思在
天末

江水何浩蕩真州估客場綠絲作幃絳黃金作
帆檣

捉搦歌

仕宦還須論遇合結交還須論舊盟男兒失意
在人後老女不嫁難爲情

東家女兒工數錢鬢間明珠雜花鈿願爲在天
比翼鳥時時理佛總堪憐

長安樓頭夜張宴樓上笙歌落片片馬上行人
空佇立但聞其聲不見面

上曳綉襦下文履中有青絲兩頭繫少時憐母
今憐郎何不結伴論家計

幽州馬客吟歌

幽州朔氣寒良馬常苦瘦芳草好起羸黃金空
在袖

帳中燭熒熒坐久滅亦易盛年何可常千金當
一擲

南山雖言高尚有北山匹願作一心人出入掇
郎臂
自言十指鑲玉壺不離手男女共燕游殷勤相
勸酒
黃花生後園少年行結客意氣正堪憐紫騮在
長陌

東光

朔南平東西何不平粵寇多水戰川寇多山營
諸軍游蕩子騎射難縱橫

鳥生

鳥生八九子端坐秦氏桂樹間五陵年少何翩翩
翮挾彈張弦出入樹東西惜我一丸卽墮羽鳥
死魂魄飛上天阿母生鳥子時乃在南山巖石
間南山巖石何鬱弗惜我人民安能知其巔神
龍不可馴龍骨尚得獲深淵麒麟不常有麟趾
尚得羅于田黃鵠于飛高摩天真人致之供雕
盤惜我人生各有命生死長短安足憐

陌上桑

皎皎日初出高樓東南隅樓上有好女自名秦
 羅敷羅敷白玉姿足不踰戶樞性頗喜蠶作採
 桑南陌衢首戴藻翹飾耳綴明月珠輕縑為下
 裙薄縠為上襦行者見羅敷下擔意踟躕少年
 見羅敷指顧行疾趨樵者忘其薪芻者忘其芻
 歸來相怨怒但坐觀羅敷解一
 使君自南來五馬立斯須遣吏前致問為是誰
 家妹羅敷秦氏女採桑在道途羅敷年幾何十
 五為人婦嫁復一年餘小吏前致辭可與使君
 俱羅敷謝使君使君亦何迂我非使君婦使君
 非我夫解二
 東方千餘騎夫婿居上頭何用識夫婿飛蓋隨
 高車象牙為車軫桂樹為輪輿腰間太阿劍可
 直千金餘起家府小吏拜為朝大夫四十遷郡
 守剖符專城居黃金綰白晳紫綬映青鬢浮生
 一有歸俯仰真堪娛坐中數千人皆言夫婿殊

三解
 黃鸝高飛一舉千里外
 山山草色餘

董逃行
 崑崙山
 崑崙山
 崑崙山

吾欲上謁崑崙山山頭崎嶇道路難五城十洲
縹緲間黃鵠高飛一舉千里但見芝草紛紛若
可攀解一

逸翮拂霄見蓬萊雲螭爲駕金銀臺奇齡邁五
龍千歲方嬰孩吾將汗漫游九垓解二

行行一入瑤池前王母綽約何翩翩青童問我
有所求長跪授大道殷勤乞永年解三

教敕凡吏採取玄圃之芝明且鮮置之玉皇香
案前白兔搗此藥壽命其長延服之可以成列

仙四
解

服此神藥顏自好天神護之永不老垂裳坐享
太平君臣驩如魚藻陛下長與天相保解五

秋胡行四首

晨上散關山此道何當難晨上散關山此道何
當難便佞似是忠貞爲姦輸心當面譏笑背顏
誰知雲忽雨但在翻覆間詩以言志晨上散關
山六

有何三老公卒然在我傍有何三老公卒然在

我傍被表而語其止融融丈夫處世得喪窮通
胡爲太自苦媚世難爲工詩以言志有何三老
公以雲心雨心八我居崑崙山所謂者真人我居崑崙山所謂者
真人名山可適何意遭屯神遊八極飄然絕塵
鞭龍與駕鶴宮關渾金銀詩以言志我居崑崙
山平昔去去不可追長恨相牽攀去去不可追長恨相
牽攀我心惆悵夜如何其起不能寐徘徊多時
東西有岐路欲往將何之歌以言志去去不可
追

善哉行

人生如寄少合多離我今不樂沉吟何爲一解
高堂置酒叙此生平我有嘉賓鼓瑟吹笙二解
歡日尚少戚日苦多請看明鏡如秋霜何三解
遨游名山翩翩羽翰忽遇八公長生四解
丸四解
饑來問飧寒來問衣秉燭爲樂月明星稀五解
海上六龍雲中長轡仙人王喬相與遊戲六解

西門行

出西門步踟躕前有濁酒尊不醉當何須解一

夫爲樂及時可歡娛若徒坐愁拂鬱吾恐日月

徂解二

呼斗酒發浩歌請爲十日飲傍人當柰何解三

浮生如朝露沉憂令人老今日宴會良且爲開

懷抱解四

自非故人鍾子期高山流水當誰知自非故人

鍾子期高山流水當誰知解五

顧非金石資壽命安可期待問家人產但爲識

者嗤解六

東門行

出東門不顧歸來入門悵欲悲家無儋石儲四

壁空相羈腰問七首光芒動兒女牽衣問所之

世人皆言願富貴賤妾與君共寒饑共寒饑上

畏秋旻天下爲黃口兒今時賢豪好交結君復

何憂莫相危今時賢豪好交結君復自憂莫相

危我今按劔已爲遲白髮悠悠當依誰

飲馬長城窟行

青青山上草悠悠玉關道長城亦何遙飲馬鳴
蕭蕭芳草生有時游子歸無期他鄉各異縣展
轉夢見之枯桑知天風海水知天霜欲語更無
人徘徊空彷徨我馬苦征戰羈客傷別離十月
鴈鴻盡尺書何由知尺書日易暮長城風以淒
書中亦何語強飯長相思

艷歌何嘗行

何來雙白鶴勿殺也丘西成行自十五雄飛拉
其雌一朝雄偶去雌病甘羈棲五里及回顧六
里哀鳴啼吾欲伴汝止老去志苦齋吾欲負汝
去氣結力摧微樂在生相知難在生別離躊躇
顧羣侶羽翼何差池念與君離別各各言相思
綿綿在遠道日歸竟難持日月遙相望形影不
可追生當嘗相見死更何所之今日樂相樂千
秋以為期

艷歌行

翩翩雙飛燕冬藏夏同宿良人事遠游寄身何

二世園詩集 卷之一
碌碌上堂事舅姑下堂供蠶作春日去采桑輕
風動純素良人從外來斜柯西北顧語卿且莫
顧黃金自賂黃金何纍纍遠行不如歸

又

南山有松栢亭亭立孤峯上可摩霄漢下可充
棟隆洛陽發中使松栢竊自菅一朝斧鋸截柯
枝忽西東持作四輪車載至洛陽宮道路莫不
嘆問產何處猗魯班公輪巧刻鏤何玲瓏披以
丹漆飾加以金碧工本自幽谷裏今在明堂中

子夜歌十首

宿昔綺羅粧繾綣在郎前但愁不見郎不愁郎
不慙

春蠶易爲生交情無足比纏綿不復斷纏綿只
縈子

自從郎去後隄上種黃檗黃檗已成林苦心向
誰白
泛泛木蘭舟採蓮向澤藪郎心凌花開妾心凌
成藕

芙蓉近長江儂念堪自見烟霧隱芙蓉歡情尚
它轉

作樂當及時流光易爲謝若不信儂言但看白
日下

平生共城中今來作隣里門前梧桐枝時時見
梧子

歡心似太陽儂心如北斗北斗無轉移太陽東
西走

氣清明月時贈君青絲屐腹中陰相思步步見
儂意

挈枕北窻下兩情亦何悅欲解同心帶心促帶
偏結

子夜四時歌八首

春花開滿樹春鳥鳴高堂郎情如春風動我羅

衣裳

裊裊金堤柳擘擘澤中蘭逢儂多欲擿可憐持

贈歡

輕羅素手剪製扇工自奇上刺雙飛燕下繡連

理枝

婉伸華簟上屏帳自顧影郎君忽到前儀容那

及整

秋聲入帷幙蟲語何啾啾清光望千里明月當

樓頭

金風振庭柯長夜涼於水寄情砧杵問寒衣獨

自理

朔風歲欲暮弦歌秉華燭郎從馬上來與郎坐

重褥

枯林悲風鳴綠草總霜白儂心耐歲寒但看松

與栢

前溪歌七首

悠悠前溪水落日前溪度流水見儂心縈迴有

深處

朝朝望前溪幽懷不可吐問歡何處宿獨爇在

長路

郎度前溪口妾住前溪邊天邊有牛女望望銀

河前

春風何浩蕩吹動武東亭林鳥啼不歇殷勤見
郎情前幾日送君前幾日送君天盡水不盡情
春花開爛熳郎行何日還落花共流水憔悴有
誰憐憐亦空悵然不問世間何處有
黃葛倚高樹葛斷根自留記歡分手時乃在獨
桑頭采桑儂自愁
滄浪映前溪溪水何泠泠波之日有餘爲家不
鑿井郎名與之永

團扇郎

白團扇明月光燦爛出入懷袖中是郎手所玩
白團扇臨風託方便中道有乖離難與重相見
詠言七夕夜女歌

娑娑問靈匹一年會亦奇正好叙別離簫管且
停吹

良晤不常有分携如別何年年有秋水郎去慎
風波

懊儂歌

五絲合歡被縫之須五絲儂爲懊惱曲它人那

得知
長江細布帆阿那乘風起迢迢一去間便是三千里

哭可頽孤城泣可班修竹相樂尚非真遺恨空在腹

怪哉城頭烏啼起驚人眠歡去不復顧儂病不能言

神絃歌十七首

宿阿曲

蕩蕩開天門鬱鬱閉地戶真官來續紛蘇林起雲霧

道君曲

中庭梧樹枝葉叅天道君來過羽蓋翩翩

聖郎曲

左亦何皇皇右亦何嘖嘖郎坐傍青溪姑坐依白石椒漿自呼來可以話疇昔

嬌女曲

芙蓉何鮮鮮顏色自美好娥眉婉清揚明珠還

西園詩集 卷之二
在抱偶爾奏絃歌僊樂列海島
徘徊青溪口蹠躩赤山磯
上有神僊往下有小姑來
鴛鴦不獨立三三兩兩飛

白石郎曲

白石郎臨江居江妃鼓瑟河伯獻魚

積石巖巖在江之渚郎豔如玉柰何獨處

青溪小姑曲

青溪湯湯白水洋洋小姑如嫁誰謂無梁

湖就姑曲

湖就赤山磯芙蓉何芳霏采之可成衣

大姑湖東頭仲姑湖西頭不共小姑愁

姑恩曲

明姑雲中駕日月齊景光前導陸離獸後從神

雀金鳳凰

松栢常冬夏茗茗葉未捐明姑被天恩光寵獨

纏綿

采蓮童曲

泛舟採菱葉齊聲採蓮歌自負絕代姿豔比蓮

花多
東湖過西湖蓮葉覆湖水天生竝蒂花曲抱雙
蓮子

明下童曲
白面郎矯矯走馬越溪遊望門誰家去遙指射
堂頭

馬前石子多馬上兒少小揮鞭赤珊瑚蹀躞金
駮裏

同生山
人生縱自年白日亦易下及時當書游爲歡且
卜夜

石城樂

生長石城中城樓亦堪見可憐少年郎遊冶真
有術

寶髻芙蓉釵環插各自愛雙髻艷於花盛年何
可再

布帆下江陵使帆如使馬望歡何日還雙淚揮
在野

大艣出門去相送陽春亭春鳥枝頭啼別離轉
難聽

莫愁樂

艇子迎莫愁莫愁歌過雲石城游冶郎繫馬相
爲羣

聞歡下揚州相送木蘭舟風便數寄書無便心
相投

襄陽樂

朝來上大堤暮來宿大堤大堤有游女嬌豔如
花姿

襄陽二三月踏青正及時可憐游冶子轉盼空
爾思

車馬馳逐來羅襪自驚異大堤諸女兒歡心向
誰是

送歡遠行役黃鵠飛參天何物買將寄揚州蒲
鍛環

女蘿亦何薄長松亦何修寄託在纏繞千秋共
悠悠

託儂不寄書但有心相許湘水正東流儂意隨
之去

襄陽蹋銅蹄

暮春襄陽時白馬蹋銅蹄征人馬上去闔中空
相思

大堤花正紅峴山草亦綠含情寄故人知我心
相逐

金鞍白玉珂照耀雙闕下借問馬上兒曾記襄
陽舍

夜度娘

夜來冒風雪風雪亦何寒但得微情叙辛苦良
所甘

雙行纏

朱絲上繫腕繡羅下纏足他人不言好宛轉歡
所欲

作蠶絲

桑葉大如掌蠶眠大如指晝夜多纏綿感化易
絲子

春蠶自吐絲綺羅自堪織不辭機杼勞但恐花
多色

楊叛兒

妾歌楊叛兒君折白門柳生憎白門烏啼聲易
爲感土絮飄飄揚不盡風吹入不言

胡姬年十五

胡姬年十五遠嫁遊冶郎春日泛淶水風動鬱
金香當壚正含咲蘭陵玉爲漿縱有及時樂不
如還故鄉

東飛伯勞歌

伯勞飛東燕飛西誰家女兒空含悵開顏發豔
不出戶滿地落花春已暮南窗北牖明月光年
年照我有誰妬女兒年幾十五餘翠羽紅粧玉
不如黃姑織女且相見人間那有銀河車

愛妾換馬

美人不足恃驥裏亦何奇塞外能奔走閨中有

別離但知憐駿骨寧復惜蛾眉自古功名士應
多棄敝帷

登高丘而望遠海行開水休疑何事
登高丘望遠海蓬萊何渺茫男女空在道龜鼉
可爲梁銀臺金闕好豈知徐市行祖龍不自保
赤帝正中與驪山灰亦槁王孫猶不知紛紛事
利禱試問山海間何方能却老

四言古

壽曾司馬

西青有圃在河之滸主人逍遙莫愁肥苻優哉
游哉受天之祐

西青有樓在河之洲主人多福鳳誥螭頭旣受
帝祉永言千秋

西青有臺在河之隈主人高調白雪仙才尚書
曳履海上蓬萊

西青三章章六句

題王母圖有序

此鷗江畫史筆也報書曰仙桃獻漢宮武

帝留之不可得而洛城熟于十月者名王
母桃尊夫人初度在十月二十四日余爲
此祝幸公賦焉人言盡如生成果自華林
園耶永留爲吾家盛事矣

西關共食東海度索仙珮翩翩有華灼灼
何彼濃矣綏山一桃千年結實見此霞標
誰言曼倩怪哉此兒三熟之後投我瑤池
紅雨青煙盈盈在手寧獨助嬌住世難老

瑞鳩詩爲景陵陶氏賦

差池鳴鳩集于舍右歷山嚶嚶重華德懋舜亦
何人則之恐後

差池鳴鳩臨淮翱翔太守辟舉白鳩爲郎君有
令德乃升斯堂

差池鳴鳩陽城至止祥雲覆之惡聲遠徙千秋
景陵而有斯美

余新居復中坊鵲巢堂右表叔尚書傅公

題爲瑞鵲堂賦八章呈家大夫

靈鵲于飛凌風而起懷我好音爰居爰止

其二
靈鵲于飛填河成橋嚶嚶盡棟匪徒遷喬

其三

靈鵲于飛栗林斯集主人逍遙壽考無極

其四

靈鵲于飛牖戶工巧何必印文家世忠孝

其五

靈鵲于飛其巢可俯宜爾室家和及毛羽

其六

靈鵲于飛聲響相答奮翼上林空聞三匝

其七

靈鵲于飛未來爾知螿螿孫子萬年之枝

其八

靈鵲于飛背歲而孳將翺將翔知風之自

五言古

擬古三十首

李都尉陵從軍

一出河梁上天風萬里吹雲間比翼鳥弱羽難

相隨身無有苗罪胡爲窟三危賤軀誰足愛壯
心無乃移男兒惜一死恨恨將何爲古有憫窮
者深沉屈九夷

蘇屬國武別友

胡馬鳴蕭蕭朔風動顏色我歸還故鄉子也留
異域絲竹理清歌泠泠慄曾臆平生久因依歡
娛本無極皓首自丁年妻奴不相識仰觀鴛鴦與
鴛臨岐乖羽翼中天月更明皎皎無南北獨夜
聽胡笳知子多心則後會安可期分手忽太息
願子莫相忘音書長努力

班婕妤詠扇

新製齊紈扇團團如月圓卷舒在懷袖彩色世
所憐颯颯涼風發一擲忽棄捐回首翻眷戀恩
寵猶翩翩舉扇拜新月圓缺在中天

魏太子丕公讌

置酒臨華池逍遙一登眺秋水有芙蓉可以舒
長嘯華星吐東方更向西園照羽蓋列參差對
酒仍太醕嘉木飛鳥翔聽之鳴且好徘徊俟河

清百年忽已到爲樂當及時我生白髮早何必
慕游僊而乃在海嶠

陳思王植贈友

君王雅好賢瑤席西園設絃管畫飛觴華燈夜
不滅朱宮與清池一一同忝竊然諾重千金毫
素凌往哲屈宋唐景才鄒枚嚴馬列此歡信可
珍歲月忽淹別積久愛逾深語多氣偏結千秋
名竝垂慷慨心仍折四海猶比鄰親交乘勿絕

劉文學楨陪燕

公子富文藻遊戲在清時飛蓋翩翩至綺麗亦
何奇涼風來四野蒸暑撤九達芙蓉與菡萏吐
華各差池我本羈旅客濡翰相追隨厭厭忘永
夜明月爲之垂仁獸倚珍木靈鳥鳴高枝嘉肴
與旨酒坐起金罍移徘徊清漳久不覺歲月馳
君子綏福履歡娛長若斯

應文學場侍集

雲中有過鴈戢翼大河濱故園久荆棘哀鳴安
所因一旦出頽許欣逢賢主人少年事任俠匪

爲德有鄰逸思吐玄夜尊酒開良辰秦箏與齊
瑟歌舞如雲屯旣肯顧微細况乃顏色親今日
不歡樂誰爲百年身投詩見存慰感慨自有真
中心藏令德悠悠難具陳

王侍中粲懷德

嗟余逢世亂豺虎日夜驚秣馬去故國竄身入
南荆枯骨空蔽野客子嘆飄零岐路能無泣漳
河若爲清高堂日置酒追攀在鄴城端居思最
苦四顧悲風鳴自念無衣客誰分孤自情不意
滯淫者而有金石盟志意得舒放感慨由更生
去鄉二十載萬事一無成綢繆娛嘉賓惠愛良
匪輕高深等山海展轉何能名

阮步兵籍詠懷

西山頽白日餘光返獨遲四序更相代寒暑不
覺移野鳥還知倦春華秋亦衰如何磬折子斧
逐無歸期形役祇自苦擾擾將何爲孤蓬寧特
生勿附喬木枝喬木有時伐弱蔓安所垂

嵇中散康言志

嗟余寡訓師遭時尤不偶母兄鞠育慈性命得
長久抗心希古人老莊時在手豈不愛豪華冠
裳非所有治鍛與彈琴衡門肯相負爲善莫近
名玄素甘自守亦有步兵徒平生好濁酒散髮
共長吟阮公真我友養生計頗工絕交惟恐後
巨源不相知勦我欲狂走草木有時榮而我獨
老醜懶性久相成優游或永壽

張司空華離情

涼風吹古樹明月照流黃佳人在遠道徘徊欲
沾裳延佇思獨苦拊枕夜未央不曾慣離別乃
在天一方羣生有明闇中心無異常願垂湛露
恩信我皎日腸

潘黃門岳述哀

春至冬將徂寒暑倏焉易美人歸重泉生死成
永隔寤寐若見之冥冥竟無益殯宮久肅清嫵
婉空勞役俯仰未能忘髣髴平生歷翰墨有餘
思庭除無行跡朔風中野號明月挂屋壁重繡
始覺單側身徒怵傷如彼雙明珠一朝忽成隻

如彼雙飛鴻羽翼中道折脚蹶墟墓間白楊清
露滴羅帷繡鴛鴦我懷日夜積伊誰共歲寒凜
凜長自擊

左記室思詠史

乾坤自開闢日月耀九洲堯舜宰天下勲業如
雲浮常時空揖讓不能屈巢由洗耳箕山上誰
言王與侯自非曠達士焉甘物外游神龍不可
馴大海遠清流

張黃門協苦雨

應龍作何狀蟻穴頻爲封冥冥晝不分瀝瀝聲
何重明月初離畢號屏鞭豐隆水鶴巢絕頂商
羊舞長空如注渠可化散絲潦逾洪貫秋鳴不
歇彌天勢何窮環堵自頽毀車輪無西東幽巷
日含瘁開霽誰神工昏墊總八極敗禾憂三農
天意果如此安得吹和風羈束頗自嘆儔侶那
能同季主有名上黔婁多孤踪平生甘固守矯
矯思相從

劉大尉琨傷亂

厄運逢我生皇晉忽不治乾象棟已傾坤儀舟
覆地蠶食盡中原虎據不可視咨余弱弗能榮
寵仍屢至彫殘思暫歡強笑欲破涕古有百里
奚昔愚而今智秦廷一用之勲樹翻然異顧我
抱忠貞空令歲月逝沙漠指顧間驅馬有長轡
北顧何蕭蕭憂懣日夜積丈夫志功名胡乃遭
末季黃河可俟清理亂有終始

盧郎中謀感交

珍裘非一狐大厦非一木事業在俊英人情亦

夢卜眷顧及纖微綢繆應倚玉婚姻進嘉會契

闊成心曲胡塵何處來而我時羈束遠念賢豪

風弘績在往牘良將得趙奢鎮邊有李牧俠氣

滿疆場芳名還幽谷人生比素絲處危空碌碌

迢遙望故鄉感遇多昔夙所慙女蘿姿乃附松

栢屬悠悠難重陳河山自舉日

郭弘農璞遊仙

雲嶠駕千仞來往神僊家靈妃錫清露玉齒餐
流霞滄桑海可變吾鬢胡能華采芝鍊丹者顧

我同咨嗟世間蜉蝣輩寧知龜鶴遐

孫廷尉楚雜述

西北起良風飄飄秋氣早命駕出郭門傾城送
遠道日月若電流萬物同腐草浮生天地間岐
路不有保憂喜本相循紛繞胡能掃殤子與彭
聃一一皆壽考達者齊其端太虛同浩渺分手
在斯須長衢即天表悠悠對彼蒼鑒我多懷抱
逍遙與守玄大觀以終老

許徵君詢自叙

李耳著道經君平好卜象一得玄中玄悠然物
外賞顧我思高蹤千秋人已往白雲滿山中長
生有遺養耕釣皆可爲竹樹映餘敞振衣一徘
徊不覺千仞上天末起良風空谷發清響採藥
任所之榮辱非外獎吾意一無塵皎皎月共朗
何必愛浮名羈束在世網

殷東陽仲文典矚

乾坤運四時理化有真趣天籟忽自鳴吾心與
景遇石壁映蒼苔秀萼吐華樹登眺多淒涼韶

光已秋素蕭散有餘閑端居寡營務伊余樂求
仁玄理非外慕遠漢淡雲浮悠悠更何慮

謝僕射混遊覽

驅車出臺省薄言遵遠郊襟懷日夜積仰窺節
序高巖阿吐黃菊白露飛且饒桑榆踐暮景明
月縣良宵萬緒自舒卷動靜恒相交悵望秋嶺
間雲霞落孤標暫得會心處益覺浮生勞取足
在適意勿徒嗟寥寥

陶徵君潛田居

歸來事南畝荷鋤常不離悠然坐茅屋濁酒尤
滿卮饑寒幸得免正值西成時况有素心侶往
還隨所之天空雲出岫日暮鷄栖埘何人慕五
斗而我願無違頽然一醉後百年隨所宜

謝臨川靈運游山

山水含清暉清暉日延佇薄游恣閑情碧障吐
晴宇我懷欲忘歸悠悠亦吾土絕壁抱遠峯石
竇滴僊乳高樹淡微雲萬竿響烟雨稠疊多嶺
巖連綿况洲渚澄澈溪頭源活活莫可禦來奇

接未遑去美回堪取夜啼聞猩猩朝復見鼯鼠
靈境可淹留賞心誰爲主百世已莫知千秋寧
復數且復弄潺湲振衣在孤嶼幽思旣昭曠外
物徒朽腐攝生真自由聊爲智者語
顏特進延年侍宴

時巡見虞典逸豫歌夏遊春和動景物神御臨
江州赤旂浥湛露丹陛驚滄流遂修古禊事仍
泛木蘭舟笙歌縣巖奏鐘磬水邊浮祥光隨輦
蓋紫氣傍旌旂趙女善秦筑吳娃復越謳飛潛
盡被寵珂珮滿芳洲鳧鷖詠郊甸康阜美田疇
寰宇見熙皞海島空丹丘微臣叨扈蹕皇恩真
和柔

謝法曹惠連叙別

東風吹長途我行不可繫徘徊思友于嘉會難
再繼春仲乃良辰咫尺忽分袂方泊浙江潮回
指浦陽汭何人念此別哲兄惜離羣相送越林
下冉冉多寒雲青山俯層島澄湖生縠文情深
語不盡瞻顧徒殷勤形音旣已絕幽懷當告誰

敬亭向來月皎皎照佳麗鬱陶思如結故歡與
新悲新悲何可釋故歡何可追臨岐不得渡瀟
聲驚四流天邊有微雨蕭蕭落林丘宣城在何
許一夕江之洲良風動高樹明月臨孤舟行行
余未已獨處君如何瓊瑤雖可寄歲月翻蹉跎
逆旅何局促世路原風波孤生感易集勞者自
爲歌

王徵君徽養疾

落落葉蕭蕭也昔秋風動促織寂歷靜無人夜半聲
唧唧抱病在胡床伊誰話曾臆瀟湘南鴈鳴
翔乖羽翼鍊藥在鼎鑪悠悠強自食精神會可
全四體等雞肋望望江湖間何時有起色

袁太尉淑從駕

祈年事盛典肅駕至宮廟殷禮旣肇稱皇恩無
不到萬姓總嵩呼九有驚大誥草木有光輝山
河咸炳燿雲錦蔽晴空旌旄翳遠道大舖漢祠
雍蒸新周典要武帝肆靈輿始皇窮海嶠緬懷
千古英不及茲巡好俎豆幸周旋環珮列前導

羣工被寵榮聖心愈康樂矢歌愧嘉謨陳詩繫
風教王化本無涯微臣何所效星象無虧對
謝光祿莊郊遊
平生有幽願野好更無前整褐出郊際稅駕臨
江邊深山虧白日林遠隔炎天旣遂丘中性將
尋物外僊澗寒轉幽谷松陰落飛泉洞口霞氣
藹峯頭花欲然蒼翠衣更濕黃鳥鳴翩翩吾情
聊自適茲意向誰傳寄語風塵客富貴非所先
鮑參軍昭戎行

時值孟冬月殺氣滿朔方征馬寒不鳴驅車掃
嚴霜出門本狗義提戈去故鄉故鄉路漸遠前
是古戰場將軍麾下令亟欲縛賢王山川白日
晦寶劍生精光不惜馬革裹豈憚鷺食腸窮兵
憶漢武築城思秦皇笳聲起何處感慨徒自傷
男兒若惜死百世誰流芳

休上人怨別

涼風西北起客思日悠哉彼美成阻絕惆悵何
時來中天有明月徒倚空徘徊九疑與三峽迢

遙誰爲開尺素寄魚雁雲雨迷荒臺人生有離
別世路多塵埃瑤琴還在匣聊以舒中懷

和主人怨

二酉園詩集卷之一終

二酉園詩集卷之二

沔陽陳文燭玉叔著

五言古

坐不將游五嶽詠懷十首

灼灼自日西舉頭望長道春鳥相因依豪華不
自保五城十二樓一列海島顧非金石姿寧
能多壽考僊人王子喬與我開懷抱

孤衣其二

人生重結交結交良非偶世路多繽紛作意惟

恐後調笑尚難終寸心寧不負深山亦可羣麋
鹿亦可友咄咄魯仲連無乃稱不朽

其三

少年萬事輕奄忽多捐棄俛仰世上情黃金與
高位三十六洞天八十一福地夙昔夢見之起
坐不能寐古人多游僊行行當亦至

其四

我聞嵩高山太室連少室古樹幾千年葉狀如
梨實亦有浮丘公頗得長生術指顧見中原崢
嶸無與匹僊館墜玉漿食之或萬一

其五

衡山有九疑向背不復見所見獨飛泉潺潺如
匹練更上响嶠峯芙蓉落面面飛颺多少年光
景真堪戀願爲黃鵠翔比翼疾於箭

其六

西岳爲華山巨靈開其上四合盡高巖削出僊
人掌右榻懸其中叩之有餘響盡日松栢林白
雲空莽莽逸羽思拂霄天門同浩蕩

其七

岱宗何其奇齊魯青特出冠
曾登之天下小亦易秦松
五大夫歲寒不記次幾時
日觀峯八極得高視好讀
漢家碑對禪七十二

其八

北望太行山峩峩真無際
壁立羊腸途曲抱靈蛇勢
中藏多寶符一自先世朔
野近烽煙標奇還不替從
來萬勿問幽人可長憇

其九

日月不待人容顏豈常少
悠悠行路難深山隱虎豹
海內有同心示我周行道
何必出戶庭而後窺要妙
為樂當及時因之發孤嘯
時汪襄陽伯玉貽書云古人不窺戶牖而見道公子人乎采真之游姑徐徐可也

其十

河水蕩寒雲家世本耕讀
城中結高樓張燈賦華屋
丈夫志四方安能久羈束
况也所遭良六一倚骨肉
行行謝親知游心恣所欲

雨中讀茶經

端居日寡營簷際鳴新溜吾鄉陸羽生頗得茶
中趣嗜茶著爲經提携在座右辨水與煎方取
之誨余婦昔隱火門山自稱桑苧叟萬一與人
期意氣惟恐後獨行痛哭心徘徊真我友詔拜
文學臣富貴非其有千秋鴻漸名膾炙今人口
遺編三復之清風落吾手

大堤行呈汪襄陽伯玉

春花滿大堤飛來爲誰有踏青如花人一一出
纖手爭買看花車馳驅惟恐後習家好池亭山
公今太守

聞邊報呈職方公四首

一自庚戌後烽火歲不止胡笳月下吹幾到甘
泉裏黃金馬上馱轉輸疾于矢空聞守四夷壯
士隨風靡大臣說巡邊關西楊伯起

其二

秋高胡馬肥刁斗亂朝夕一望薊州城塞雲連
咫尺鬼火出黃昏白骨高沙磧綺紈還報功我
民復斬馘表餌計難施淚下飄零客

西苑等蓬萊君王神且武日夕禱玄文匪徒舞
干羽柰何有天驕邊報急如雨闐闐方振戈賢
王頭可取請纓誰終軍俛仰空千古

其四

自古言大將立功最爲難今日時與勢運籌尤
萬端不獨苦中制相門鬻材官堅銳胡可執三
軍多饑寒誰憐草檄者夜半燈猶殘

送同年王應忠尹舒城

昔住臥龍岡高歌凌梁甫官舍况龍眠清暉照
簷廡學道真丈夫愛人常詡詡臥治百里中青
山得其主染翰一鳴琴持括山花吐北闕上書
入徘徊散如雨別爾更同心綢繆意獨苦明月
落西亭涼飈動嘉樹結襪走釋之風流無與伍
從此列台衡彈冠自貢禹

席上投別童子

冽冽起涼風愁思苦羈束別爾還故鄉明朝成
遠矚有酒况盈觴良辰仍秉燭矯矯太史公清

揚美如玉廊廟一高歌寰中驚郢山著作方琳
琅生年傷迫促快覩鳳凰毛憐才起躑躅架上
有父書芳名知可續玉露飛庭柯暄映杯中醪
千金戒垂堂願言策高足

雨中雜興六首

玄雲黯四郊積雨經旬日屋角溜紛紛簷牙聲
唧唧振衣視頽垣呼兒檢殘帙晝夜俱苦長陰
晴那可必

其二

咄咄賦愁霖悠悠嘆流潦堂上生水衣階前
鞠茂草星占杲照濕雲根何由掃斷絕車馬音不
似長安道

其三

豐注已翻盆衝泥仍赴闕睥睨鴉不飛長樂鐘
聲歇輦路象足遲通衢馬蹄沒何故太連縣因
之輟朝謁

其四

吾家朝川庄乃在長夏汭山中習靜人樹下蘭

撓繁竹葉洗更青荷花晚尤麗望望白雲層絲
絲江雨細

其五

逃暑思長林惡濕懷臺榭百尺結層樓連床話
良夜雲霄志未酬江河日因瀉風雨正牽思去
住令人惜

其六

我聞行路難况乃塗泥阻靜聽浙瀝聲似向幽
人語端居棘樹亭恰對瀟湘渚寸心倘不違扁
舟從此去

送明叔兄南歸

寒夜理短褐朔風淒且涼同胞叩門去踟躕太
道傍林間亂黃葉仰見連枝霜氣結莫能語淚
下沾我裳昔別豈不戀男兒在四方三載忽乍
見羽翮期翔翔袖中雙白璧千金不可當懷歸
竟上馬束此千里裝功名壯士心所貴齊得喪
去者反吾土留者悲異鄉到日盈觴酒爲我酌
高堂太行路稱險黃河失其常一言慎歸計再

言變景光

塞垣行得西字同社中諸子賦

朔風振中野交河草萋萋胡兒窺冀北又復近
遼西將軍下新令寶刀誰爲提萬夫何勇敢呼
應聲俱齊胡笳吹邊月征馬行且嘶刀頭何得
返長安夜刺閨黃金懸誰肘白骨空深谿我願
守四夷年年絕鼓鼙

謁夷齊廟得寒字同陳維錫太史賦

振衣來山麓高岡何嶢峣中祀孤竹子陸離商
冢冠當時叩馬諫孟津水爲寒四海雖大賚周
粟胡忍餐矯矯採薇日恨不披心肝神器已屢
易忠腸還不刊何人識義士千秋名竝看再拜
薦芳芷乾坤賴羽翰

擬陶靖節飲酒同沈子靜檢討賦

百年渾似夢歲月苦相侵惟有杯中物對之爲
素心觴酌不論次安計淺與深更取頭上巾漉
酒仍披襟天邊倦飛鳥同我棲故林

別包元夫使淮安四首

送子之淮南河梁重携手此地秦漢間戰場十
八九雨後甘羅錢不可覓斗酒浮生亦朝露何
能稱不朽去矣長相思崇德期皓首

其二

驅車下邳城有橋名曰圯空聞所授書不見當
年屐若無黃石公誰從赤松子平生慕遠游異
人那得似海上倘相逢千秋問遺軌

其三

下馬立斜陽詰屈淮陰市悠悠市上兒何如漂
母里祠下有孤燈爲我薦芳芷一飯共君恩王
孫忠自矢蕭蕭大風歌至今思猛士

其四

荒城指祝其落葉渾如雨淮海日夜流霸業沉
於土憐君慷慨心臨風一吊古遺碑在岸頭剝
落無復觀奇字愛李邕尚掛娑羅樹

遣兒歸省大人書懷八首

驅車上河梁春風激靡草母子更何之綿綿後
鄉道六月田禾登隱林有新稻採之入盤餐高

堂正壽考莫問大刀頭風塵令人老

其二

四齡知索書屬對氣詡詡爾祖最奇余才士歷
歷數終軍與楊修禰衡王勃甫惜也器匪遐任
道在愚魯大書戒前車至今心獨苦

其三

嘉靖庚戌時我生十有六北隨職方公名公多
垂目賦得高軒過僉言比珠玉永懷慈母意悲
哉我心感往事若飛塵卅年復追述

其四

先皇急治安策士當乙丑西極貢驂騶東序列
瓊玖甘露垂金莖輕烟拂宮柳曲江幸題名棘
林有官守人生會幾何胡能稱不朽

其五

阿均頗能文長大忽十五見者意相憐翩翩鳳
凰羽我家比鄴侯遺書藏千古豈無螢可囊棄
也恐如土念汝悵悠悠策名在辛苦

其六

阿圭已七齡紙筆尚不好傳家有遺經典謨與
訓誥相者奇汝骨他年能遠到一丈人行謂
汝易跨龜何以慰我愁明德在戒傲

其七

行行難重陳兒女尚岐路離別在須臾何言去
與住陌上草青青不知春已暮千里碧油車五
月黃河渡一望太行山白雲渺晴樹

其八

到時慰重闈歸時復將毋長安有狹邪冉冉空
奔走清朝執戟疲勲業吾何有冽冽秋風生吹
熟山中酒客子苦畏人歸來亦不久

別蕭文明比部

飛鳥思故林徘徊在中野止爲失其羣悲鳴若
堪把念我平生親恨恨不能舍行人難久留綢
繆且梧筍四海多結交誰是同心者去路本崎
嶇况復當長夏澤中有幽蘭江邊有桂若美人
正似之芳香因風惹回思十載心琬琰尤相下
此別悵悠悠愁見淮河瀉

別李本寧編修

以膠投漆中與子有良遇歡娛難重陳感慨即
長路惠風習習來吹動連枝樹子也絕代才况
乃披情素光寵邁漢宮芙蓉綴仙露憐子執戟
疲殷勤復相顧方李二才人子及元甫柔翰時相吐
愧匪邯鄲流寧薄廝養婦分手長相思新知不
如故迢迢雙鯉魚早下淮陰渡

寄馬鴻臚

憶昔歌燕市岐路多悠悠膠漆本投合與子結
綢繆過庭有遺訓難兄况名流嘉會不再至握
手驚素秋金陵好山水道路阻且修贈我青玉
案踟躕不能酬明月光皎皎促織聲啾啾彷徨
獨出戶展轉登高樓良宵有飛夢吾憐馬少游

別方山人四首

四海多結交綢繆原梓里雨雪大河傍楓樹淮
陰市乍見難久留高歌忽中起古來有異人相
逢多在此爲問黃石公今時能墮屐

其二

憶昔毘陵生卓彼石蓮叟寤寐在三皇遺書窺
二酉愛爾更論心扁舟維夏口兩人已長逝吾
道還誰有人生能幾何榮名期不朽

其三

西北有龍門東南稱鴈蕩之子采真遊一一登
其上雲封與靈臺遺跡疇能訪良夜偶具陳冷
泠發孤想黃鶴本遠飛願效盧敖杖

其四

明月懸孤城照爾冰玉質四時忽化遷歲暮亦
何疾執手野踟躕古人誰與匹談天比雕龍憂
時或捫蝨行矣定交盟岐路勿相失

歲暮書懷四首

凜凜歲云暮寒暑不覺移家山在三楚烟雲莽
欲垂剗竹守東海黎民還其咨倉粟無可發悠
悠我心悲潘生有永嘆屢出固其宜誰云折腰
苦素衣化爲縞

其二

節序自推遷寰中日多故登城望郊圻入海尋

岐路匪爲窮梯航碣石因之度天子重邦基舟
楫時召募豈不畏波濤從茲食可足秉燭輟前
籌且讀玄虛賦

其三
深山隱玄豹寥廓已高翔衆人多競進謠詠空
羊腸結廬在夏汭烟水日徜徉行吟憔悴者十
居曾瀟湘驩樂有骨肉游子戀故鄉湯湯江漢
水欲濟河無梁

其四

捐棄出長安釣天落清夢朱鷺列明廷白雉來
遠貢憶當休沐時幾采椒花頌弦望又經年倪
仰多隱痛短翼欲凌霄安得晨風動引領薊北
遙蹠蹠羨儀鳳

揚人欲何去送子還故鄉良時不再至携手河
之梁美人握明月皎皎生夜光桂林有平子

玉意氣不可當休文亦佳士沈嘉明復尤楚狂

孫兆四子同結社華燈永夜張丈夫重然諾金

石莫相忘子行不我顧回首天一方人生不滿
百榮名溢縹囊用等慰離別斗酒盈我觴

與孫兆孺舟行有懷按察公

朔風何冽冽行行聊復止中有同心人擊楫和
歌起感慨詢親交十年還故里江邊有杜若幽
澤多蘭芷歸來意何適不向風塵裏對酒發長
嘆年華去如駛與君非新知李門同世誼踟躕
夜不寐悠悠淮之水君歸泛洞庭相逢亦云爾
歲晚思如結天涯有遊子

別孫山人兆孺

歲序忽云暮我友遠行役道路阻且長論心安
可十對酒酬岐路援琴理清曲天台鴈蕩間霞
標落飛瀑興公山中賦剝蝕還可讀佇立吐高
吟勿爲阮生哭

別沈山人嘉則四首

河上柳青青行人在遠道海氣蜃樓成東風吹
野燒傾蓋若平生况在淮陰廟矯矯萬戶侯當
年亦理釣努力愛劍書丈夫何可料

其二
走馬吊劉伶箕踞忽大醉南有宴花樓北有鉢
池寺萬期原須臾登覽得同志携手悵悠悠往
路何時至酒德是名言酬觴疾如駛

其三

淮南桂樹叢古來賦招隱至今小山徒風騷還
未泯公等湖海流擊汰淮之水王孫芳草間萋
萋亦堪憫何物可驕人佇立浮雲盡

其四

結交本相因客舍幾修竹時歌白雪詞陽春走
幽谷劇郡思無奇我懷日頻蹙七發病忽愈千
載見枚叔行矣長相思參辰一何速

將遊太嶽書懷二首

弱齡賦采真頗有山水癖千仞神亦翔羣籟心
若適結束在金門烟霞與之隔每誦景純詩遊
仙慕夙昔一麾乃江湖杳杳宮雲碧飄飄入三
湘澆漭仍七澤靈境可淹留長往無足惜柰何
尚平生徒爲婚嫁迫

其二

人生不滿百奄忽真寄居歡娛及時爲九州安
所如夜夢羨門侶要我于天衢丹扉啓問闔紫
霞流瓊車排霧奮逸翮指我太和隅景雲嗟峨
起好風與之俱匪徒問神藥意欲合靈符揮手
謝塵世明日凌太虛

悼亡詩臨洛關上作

之子去何許窮泉迥且深浮生若朝露胡爲涕
沾襟豈必爲靈匹然後稱知心零落在中路遺
骨返故林貞石樹江漢千秋或可尋洛水流哽
咽聽之成悲音

天柱峯

靈區何鬱盤中有黃金殿極力登天門標峯時
隱見亭亭車蓋雲四顧目欲眩上可摘星辰下
忽走雷電壇宇締構工公文皇禮殷薦赤館與
青蓮遙望羅籀弁夜臥露氣侵芙蓉落面固丹
砂倘可成玄髮當不變

飛昇巖

西園詩集 卷之三
兩巖山本奇到此深且迥怪石總磷磷白日常
冥冥仙人駕雲螭丹鑪空絕頂長生藥尚餘鷄
犬亦舐出金銀氣有之四望多炯炯天風蕩清
波披襟誰獨醒思得壺公遇而與安期等巖頭
萬丈松飛去那能竝
方橋池可通四圍多甃石昔有李素希冥棲乃
其宅 文皇召不來殷勤賜束帛至今匱書存
光芒動晨夕披玩我重來清風生兩腋閒寂慮
欲空坐久意堪適十載苦風塵今日還行役何
以駐我顏流光真過客

誦經臺

我聞陳希夷玄修此其處紫烟亦可乘惠風亦
可御當年猿鶴羣時來聽經語飡霞胡不久西
向華山去荒臺掃落花豐林渾積絮山水本逶
迤周覽誠多助神爽此長存遺骨無所與何必
洗頭盆尋源驅玉女

入蜀

木葉滿長空游子行役苦親知重徘徊秋色橫
南浦遙指西南隅文翁教化主遺化至今存從
來比齊魯執手爾勿辭千秋堪踵武浣花有草
堂當年留杜甫詞賦本驚人襄城况吾土風流
真我師到時應吊古多謝丈人言須臾日過午
取酒結綢繆斟酌疾如羽行行蜀道難中懷不
能吐

瞿塘峽

我聞岷山江會在瞿塘口疊嶂兩岸懸萬派中
流走俛仰疏鑿功至今稱夏后憶當割據時鎖
關惟恐後霸業總消沉鐵柱今還有上牢與下
牢日夜江聲吼防隅一水門清時不爲守白雲
濕衣裳黃草滿崗阜天險亦何心且酌雲安酒
兵戈戒垂堂吾憐灑西叟

灑灑堆

長江浩無際灑灑託孤根龍蟠隱且見虎鬚若
爲蹲百牢關真險神物守其闔大禹豈無力砥
柱中流存匪徒莫巫峽將以維乾坤浪風絕壁

轉明月寒濤翻上有白帝廟旁有赤甲屯誰云
如象馬往來自朝昏丈夫多磊落意氣卑崑崙
孤舟望奇石一拳差可捫

八陣磧

高山含清暉長江急於箭武侯八陣圖光芒同
素練壘石總成行擒縱幾征戰水落川更平風
寒江欲轉常山勢因依似與兩儀真虎翼與飛
龍候忽風雲變作者竟千秋精忠存片片至今
白帝城上有明良殿誰言失吞吳遺跡猶堪羨
中原久陸沉此石何可卷

巫山高

巫山何其高參差接衡霍芙蓉出水中上昇開
秀嶠望霞光自有垂翠屏青欲落蜒蜿若登龍氛
氲類聚鶴靈雨暮淨壇起雲朝滿壑飛鳳倚松
巒聖泉集仙藥十二峯多奇神女應堪託高唐
賦尚傳楚王宮寂寞枕席本虛無迢迢雲夢澤
不知啼猿哀孤舟倚山泊

酬熊茂初吉士見贈時謫常德

自我下渝州君亦翩翩至巴水正東流孤舟不
可繫借問今何之南去瀟湘地古來詞賦人多
爲遷謫吏高名滿石渠行行何足異雲安麩米
春斟酌不記次詩思比昌齡龍標又僊尉一望
五溪雲愁心應可寄
遊凌雲寺用曾中丞韻
嘉州有古寺浮雲時亭亭披雲登其上中有白
馬經三江蕩明月九巒垂華星寒林蹲虎豹鷗
鷺橫沙汀峨眉已深雪羨彼雲間翎我有寸心
在綿綿結山靈高言何人唱意氣摩青冥亦是
景純徒游僊期長齡

中巖寺

青神仙更奇青衣江可泊古寺懸三巖石筍從
中削旣禮梵王宮仍登尊者閣斜陽任去留蒼
翠低不落佛家諾那嗣錄應堪託陶形世所
無疊嶂伊誰鑿四十二章經當年啓靈鑰春深
氣尚寒松風振孤壑大藏多至言晤此逃禪樂
何當謝囂塵卜居倚秀嶠

游杜工部草堂

驅車出郭外來泛浣花溪青郊緣江路乃在成都西孤舟繫水檻上有杜甫祠振衣一下拜思君曾亂離兵戈正滿眼十居聊茅茨巖武憐才者而有草堂貲故人况高適細酌哦新詩蒼松帶幽色寒林半成橙忠貞貫草木不減初移時數椽未零落千載誰心期禁愁取蜀酒臨風不自持信美非鄉國萬里同牽思

青羊宮

乘雲駕青羊來徃成都市借問此何誰相傳爲老子蓬萊金銀宮縹緲從中起九籥丹尚存千秋爐未毀偶來飯青精食之半石髓寤寐壺中玄悵望關門紫瑤草總堪憐谷神原不死幾時就大還孤松長自倚

浣花溪納涼

朱夏多炎暑束帶發長歎偶坐浣溪水溪水生餘寒况有陰江竹清風吹羽翰杜陵亦苦熱高詠江之干澄江如石鏡白雲如雪山雪山層水

好不及使君灘倚檻一舒嘯歸路斜陽殘
登陳子昂讀書臺

金華山崔嵬拾遺宅尚有蕭條屋數椽千秋還
爲守一洗徐庾風海內自山斗大雅至今存誰
云揚馬後感遇嘆鴻荒遐想巢居叟湘水與箕
山卷舒欲無垢多才信累之遭時原不偶極目
重傷神愁鬱射洪酒

大竹道中

秋初木葉落夜靜山溪鳴悠悠涉長道茲山以
虎名車馬疲欲臥僕夫走且驚共言負隅者壯
士誰能櫻茫茫一四顧新月山頭明眼前總奇
石不聞咆哮聲馳驅王事苦俛仰浮生輕從來
市上虎無乃三人成

嘉定早發東李元甫修撰王引瞻少參有
同遊之約

嘉州望峨眉峨眉碧如玉平生幾故人登覽有
同欲李白富僊才王維多妙曲昨日傳尺書公
期各羈束翔鳥鳴高林江花爲誰綠薄帷悵所

之山光時在月

余入峨眉山鑑燈沙門隨處索題口占付之

直鏡樓

老僧號東林說法居此寺當年魏鶴山樓頭題
隻字此境孰爲真菩提有真味

歌鳳臺

荒臺一放歌霜林葉初墮楚狂名至今不知身
遠近偶來亦暫歡古人誠高隱

雙飛橋

臨流坐石梁山光幾明滅溪水聲潺潺日夜流
不歇徒倚更何之名山此門闌

白水寺

薄暮投空門落葉滿山赤白水到胡床塵昧今
宵釋前望火離峯令人欲飛屐

頂心坡

振衣上高岡松花落滿地忽聞山間鐘不見山
間寺彼岸幾時登此心無罣礙

雷洞坪

七十二洞門洞門寒雨滴過者禁無言蒼龍掛
石壁往往白晝間斷巖聲霹靂

猢猻梯

枝上多玄猿嗷嗷聽愁絕况乃捫高梯劣崩旋
百折獨有菩提心到此不生滅

歡喜廳

既過長老坪望見木皮殿岡巒差可行杖藜亦
稱便古蘿纍纍垂云是普賢線

光相寺

朝遊峨眉山夜宿峨眉上法界普賢尊時乘六
牙象晨起問去來白雲空泱泱

現光臺

祥光布碧空鳥鳴報佛現虹霓蕩漾中形影各
自變夜半更登臺聖燈飛片片

峨山絕頂訪通天上人

明月望西天高僧爲余指雪山多景光一照數
千里願開初地因永承功德水覓路倘披榛中
有舍利子

百令九老詩 有序

十里家大人結高年會擬香山九老詩余嗣九
章寄焉

毛太真道人一百十歲

道人髮垂白走入雲夢澤修真太和山行年已
過百赤鯉每自乘白羊化爲石人間說駐顏此
老能易骨

余汝善野老九十三歲

君不識郭門偶來訝黃耆給背盤跚行社中酌
大斗躬耕漢上田貧賤甘獨守悠悠擊壤歌帝
力君何有

蔣子亨戶侯八十五歲

卜築傍孤城蓬蒿蔣詡宅平生忠孝心與人託
龜策三徑餘鳥音兩耳垂鶴髮知爾願假年歲
歲讀周易

陳空山山人八十四歲

暮宿太白湖朝來匡山下長眉大瘦生咄咄知
音寡袖中尋龍經誰是長生者扁舟任水雲莫

戀芙蓉社

劉士良太醫七十七歲

背囊帶下醫白頭肱三折亦有活人心五臟見
瘕結束吳顧中丞憐爾稱不絕從此介眉壽仙
人杖九節

劉元秀文學七十五歲

閉門探丘墳下及秦與漢後進多問奇振藻比
公幹蕭條一畝園短衣時自灌悠悠任長年勿
歌白石爛

王石鄉閩帥七十五歲

壯哉穰苴流平倭曾授鉞往事花下談真心多
兒獼猿臂與虎頭伊誰圖鬚髮善飯挽烏號老
矣更何怯

周太澤禪師七十三歲

少年絕塵根容雀巢其頂不類野狐禪慶客賞
春茗招提更一新法輪常自醒世界共三千爾
呪無等等

家大人按察公

歸來二十年結廬長夏泖招侶多素心尚齒追
三代亦有寥廓思徃徃躡雲背鴻濛遇至人長
庚五千歲又一
送張子常太僕之遼東

送君向遼左山有醫巫閭指顧何迢迢同心而
離居平時酌斗酒臨岐更百壺周家命伯冏舜
典咨若虞鏘鏘和鸞者楊雄箴可書天子况有
道大宛多名駒行行當內召肯厭承明廬諫草
自層霄感慨誰能如浮雲關河滿寒雨梧桐踈
揮手即長路君其慎馳驅

張羽王至成都

蘇州別駕張子羽王與余結淮陰社再謫
利州衛幕余感而賦焉

昔在鉢池山傲睨談千古沈迷簿領間一別紛
如雨相逢似夢中離懷不能吐青天爾何來爲
言謫居苦揮淚到轅門擊目盡戈櫓坐土出新
詩問我何所語彰明祠李白浣花曾杜甫古人
多窮愁遺跡誰堪武飄零爾且安魑魅差可侶

斗酒一放歌雪山雲莽莽

輓袁魯望學憲

袁生抱異質齊魯正造士一訪孔壁經再觀海
上市矯矯稷下談千秋猶足侈諸生仰止心東
岱高竝峙文章忌者多銷骨有遺毀聖主尚憐
才人言亦自止朝投惠文冠夕醉高陽里久不
見素書報君長逝矣南望涕如頽仲宣哀可誅
大業在山堂公家名父子

輓魏順甫憲使

憶昔嘉隆間七子富文藻武昌自楚才吳魏聲
矯矯筮仕在西曹丘索事冥討况逢歷下生高
誼凌管鮑一麾守濟南白雪樓時造衆口可鑠
金挂冠君獨早長嘯水雲間優游且壽考彼蒼
不可知沈憂忽終老有子讀父書結交憐世好
何人是所忠山中訪遺草

哭王引瞻少叅

結客少年場執乎粲白哲雅意慕風騷古人期
與敵一榻話綢繆殘燈寒雨滴之子歸重泉孤

齋閉岑寂悲風萬里橋不啻山陽笛

留餘堂

有序

朱參知王伯大有四留語也潘先生取顏

四人其堂蓋尊公大夫在諸生赫赫未究思顯

不何揚而貽厥後也肯哉名乎

小宅遠囂塵爽塏望天目造化取忌多甘心守

其朴人生能幾何王謝空碌碌燕子亦知機世

世巢君屋

藥堂塗墍茨聊以彰君賜朝廷恩如山後食寧

先事最苦過門心況也當平世何須更高門門

外多停駟

結廬近包山俛仰堪止息偶出東海間口碑應

不泐百姓樂有餘水退田功即一室不增簾泱

泱表儉德

吳興山水佳疏寮列名岫卓哉抱遐心玄素多

仍舊孫子正振振肯堂與肯構主人只遺安家

聲垂宇宙

觀孔廟手植檜

杏壇動和風徘徊聖人宅何物最干霄蟠龍有
古栢太清左紐存白於枝幹易何如此樹奇由
藥係興革晉代幾再生秦火不爲厄願學乃素
心瞻依今咫尺秦山未云頽梁木自開闢元氣
正流行千秋如一夕吾鄉米元章變此重金石
剝落贊兩行百代蔭圭璧
登古封禪臺
王者受命興登封何錯落我來問荒臺誰爲起
九籥秦漢空侈心明王久不作三十六洞幽七
十二君邈金篋貯神房玉簡藏阿閣四顧曠無
人天孫何廖廓誰伊稷丘君爲我話往昔俛仰
二長嘆聚散秋陰薄

黃清父俞公臨二文學過訪

雙壁光陸離聲價重吳越泛泛大江中孤舟且
暫輟訪我吏隱軒一一評先哲明月當時空若
爲同心設長夜飲厭厭華燈幾明滅

雪夜訪郭次甫焦山

乘興來焦山雪花大如翼矯矯漢焦光袒臥曾

止息至今蝸牛廬金石名不泐亦有次甫生千
秋可合德酌醴一放歌浮名等鷄肋爲問灞橋
思何如此中得曉起望江天江天渾一色

八哀詩有序

秋夜誦子美八哀詩余懷里門按淚賦焉
故長壽縣知縣劉公燮

孝標有意氣讀書工三冬弱冠富文采挾策上
南宮數奇竟不偶作宰塗山東廉平一無染卓
有大父風遇盜忽成病憔悴亦化終桐鄉士民
愛渝水聲淙淙

故戶部主事丘公騰

希範本人傑少小能文章撫卹舉進士縮綬汝
水陽叔敷古循吏雅志期相將弭節齊魯間脆
促返故鄉有子真民祝遺書猶滿牀十年不相
見俛仰徒自傷

故潞安府推官羅公壁

羅含抱奇思兼工六書法上黨司理時邊關偶
巡歷温飽非所期勲名在竹帛長夜何冥冥况

乃遭羽檄吾儕敏惠交顏色夢夙昔覺來隔死
生令人空嘆惜

故戶部主事包公乾

世宗乙丑年與君共登第出入承明廬公餘談
文藝奉使瀟湘間采風多國計甫轉度支郎溘
焉忽長逝古稱素心人如君若昆弟伊誰貌中
郎典刑欲揮涕

故浙江都指揮使王公顥

少年定交期與君兄弟好將軍雅好文臨池工

逸少高翻慕神仙迅足思海島吾家草玄翁結
社親魚鳥何意竟重泉思君令人老酒壚縱在
傍宛若河山邈

故池州府知府王公頤

矯矯王仲宣一見即倒屣筆硯相締交結歡三

十載諫草重南垣古人無軒輊出守乃一麾池

陽作廉吏壽命誰短長甘棠自蔽葭良夜夢相

逢音容如髣髴

異故孝廉內兒童公于遠

異姓本骨肉情好原怡怡少年青雲志發憤獨
下帷披褐懷珠玉寧問時勢非枯生處習靜老
氏貴知希分携卅七年羽翼相參差思君不可
見淚下如縷縻歷古入無神雖出守以不勤此
欲辭故光祿寺監事先兄諱文燮然交益醇三
同胞有夙緣慷慨曾面訣寒暑忽易流重壤永
幽隔垂白在高堂伊誰話晨夕架富古圖書
懸舊賓客意氣自元方高名雲臺澤揮涕望家
園九京何可作石林庄同友人納涼

黃蓬臨江岸鬼峩沔之陽久爲簪組累登覽仍
故鄉解衣一舒咲今古幾戰場孛生悠悠者隨
我携壺觴涼雲散煩燠好風吹衣裳北窻聊一
臥高枕同羲皇

書李秀才扇

秋天無緘翳赤壁江之東江流一線去千古沉
英雄與君酌斗酒醉倒蓮花峯

書庄上壁

絕巘寂無人坐來山月曉松筠奏笙簧栗玉垂
瑪瑙主人不常來山花爲誰好

洞天無嬉縹緲坐雲之東云流一息六千古

善本卷之六

相寄外同遊望

好對壺觴心已忘
汝風吹汝樂非感
性一

好無揮毫一
獨舞今古
幾輝輝
生
感
不
韻

黃雲翻
不
其
非
已
刻
以
卷
且
景
空
寶
四

二酉園詩集卷之二終

